



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarum, ac loca quædam vicina

**Hund, Wiguleus**

**Monachii, 1620**

L. Apostolicae de Decimis Goszenpach, Chrems, Centingen, & Gerlting.

**urn:nbn:de:hbz:466:1-13591**

indignus, hæc eadem & cætera Ecclesiæ ac familiæ nostræ iura sicut supra digesta sunt, & ad nos conferuata, recolens & confirmans huius instituti paginam, ne quis temerare præsumat, vel infringere ad iudicium firmitatis sigillo nostro muniri feci.

Fundatio Ecclesiæ in *Osterhouen*.

Imperatore tertio *Ottone* rebus humanis exempto *Heinr.* Dux *Bauaria* qui vocatus est iunior, in imperium subrogatur. Huic in ducatum *Bavaria* succedit *Heinr.* qui & *Hezel* dictus est, patruelis eiusdem Imperatoris. Hic duobus filiis orbarus, quos *Huni* peremerunt, Christum heredem sibi facere, instituens locum *Osterhouensem* fundare & patrimoniorum suorum copiosa liberalitate magnificare adorsus est. Sed præmatura morte traductus institutionis & propositi sibi hæredem Imperatorem dereliquit. Hic quoniam & ipse sine hæredibus carnis permansit, *Babenbergensem* Episcopatum fundauit, & *Osterhouensem* Monasterium cum omni prædicti Ducis patrimonio Episcopatus donauit, & subiecit, & sæculares Canonicos in loco *Osterhouensi* ordinauit, constituta eis præbenda, de modica portione prædictarum possessionum, quæ institutio pene per C. annos vique ad *Ottonem* Episcopum permansit. Hic consilio *D. Norperti* Archiepiscopi sæcularibus Canonicis locum *Osterhouensem* mancipans, *Pramonstraten*: ordinem deuotè induxit. Anno ab incarnatione Dñi. M. C. XXVII. regnante *Leuthario* Imperatore, & *Innocentio* II. PP.

Libertates à fede de possessionibus Dominorum  
de *Horbach*.

*Gregorius* IX. Episcopus seruus seruorum Dei dilectis filiis *Henrico* Præposito, & Conuentui Monasterij de *Osterhouen*, *Pramonstraten*. ordinis salutem, & apostolicam benedictionem. Iustis petentium desiderijs dignum est nos facilem præbere cõsensum, & vota quæ à rationis tramite nõ discordant, effectu persequente complere. Ea propter dilecti in Domino filij, vestris iustis postulationibus grato concurrentes assensu possessiones, & alia bona vestra quæ sicut vos asseritis nobilis vir de *Horbach Chunr.* Monasterio vestro pia liberalitate concesserit, sicut ea iuste omnia possidet, & quiete vobis & per vos eidem Monasterio auctoritate apostolica confirmamus, & presentis scripti patrimonico patrocinio comunimus. Nulli ergo omnino hominũ liceat hanc paginam nostræ confirmationis infringere, vel ei ausu temerario contraire. Si quis autem hoc attemptare præsumperit, indignationem omnipotentis Dei & Apostolorum *Petri* & *Pauli* senouerit incurfurũ. Dat. *Lateran.* X. Kln. April. Pontificatus nostri an. IV.

L. Apostolicæ de Decimis *Goszenpach*, *Chrems*, *Centingen*, & *Gerling*.

*Gregorius* IX. Episcopus seruus seruorum Dei. Dilectis filiis *Heinrico* Præposito & Conuentui Ecclesiæ sanctæ *Margaretæ* de *Osterhouen* *Pramonstraten*. ordinis, *Patauien*. Dyoc. salutem & apostolicam benedictionem. Sacrosancta Roma Ecclesia deuotos & humiles filios ex assuetæ pietatis officio propensius diligere consuevit, & ne prauorũ hominum molestijs agitentur, eos tanquam mater pia siue protectionis munimine cõfouere. Ea propter dilecti in Domino filij vestris iustis precib. inclinati personas vestras & locum in quo diuino obsequio mancipati, cum omnibus bonis quæ in præsentiarum rationabiliter possidetis, aut in futurum præstante Domino iustis modis poteritis adipisci sub B. *Petri* & nostra protectione suscipimus. Specialiter autem Ecclesiã de *Osterhouen*. cum Capellis & pertinentijs suis. Decimas quoque & Curtes de *Goszenpach*, de *Chrems*, de



*Centingen, Geroltingen, Grezzentrant, VVartperge, nec non libertates immunitates à Babenberg, & Patavien: Episcop. de capitoorum suorum assensu Monasterio vestro pia liberalitate cōcessas possessiones, terras, redditus, prata, nemora, vineas, & alia bona ipsius Monasterij sicut ea omnia iustè possidet & quietè, ac in litteris super his confectis plenius dicitur contineri, vobis & per vos eidem Monasterio auctoritate apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ protectionis & confirmationis infringere, vel ei ausu temerario contraire. Si quis autem hoc attemptare præsumpserit, indignationem omnipotentis Dei, & beatorum Apostolorum *Petri & Pauli* Apostolorum eius, se noverit incursum. Datum *Lateran.* V. Kln. Aprilis, Pontificatus nostri anno IV.*

L. Apostolicæ de *Ebring, Aeming, Entau, & Schorten.*

**G**regorius IX. Episcopus servus servorum Dei, dilectis filiis & Præposito & Conuentui Monasterij *Præmonstr.* ordinis. Salutem & Apostolicam benedictionem. Iustis petentium desideriis dignum est nos facilem præbere consensum, & vota quæ à rationis tramite nõ discordant, effectu prosequente complere. Ea propter dilecti in Domino filij vestris iustis postulationibus grato concurrentes assensu, de *Ebringe, de Aeminge, de Entauve, de Scharten* grangias cum decimis & alias earundem pertinentis quas vos proponitis assensu canonicè, sicut illas iustè & pacificè possidetis, vobis & per vos eidem Monasterio vestro auctoritate apostolica confirmamus, & præsentis scripti patrocinio communimus. Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Si quis autem hoc attemptare præsumpserit, indignationem omnipotentis DEI & Apostolorum *Petri & Pauli* se noverit incursum. Datum *Lateran.* Kln. Aprilis, Pontificatus nostri anno IV.

Confirmatio sedis de Parochia *Osterhouen.*

**A**lexander IV. Episcopus servus servorum Dei. Venerabili fratri Episcopo *Patavien.* salutem & apostolicam benedictionem. Cum multiplicata sit vsque adeo iniquitas superbiorum, quod quasi aquam maledictionem bibentes, Ecclesias & personas Ecclesiasticas persequi non desistant, multiplicari debet humilium æquitas contra eos, vt sapientia vincens malitiam virgam peccatorum, super sortem iustorum minimè derelinquat. Cum igitur sicut dilectus filius Abbas *Præmonstraten.* pro se ac cæteris coabbatibus Præpositis ac Conuentibus vniuersis *Præmonstraten.* ordinis nobis exposuit, Nonnulli qui nomen Domini recipere in vacuum non formidat, ipsos in personis & reb. suis aggrauant & molestant, nos volentes & præsumptorum huiusmodi refragari conatibus, & eorundem Abbatum, Præpositorum & Conuentuum grauaminibus congruis subsidis subuenire, Fraternalitati tuæ per apostolica scripta mandamus, quatenus non permittas ipsos contra indulta priuilegiarum & indulgentiarum sedis apostolicæ super inofficiatione Parochiarum seu capellarum suarum eiusdem concessorum ab aliquib. indebitè molestari. Molestatores huiusmodi per censuram ecclesiasticam appellatione postposita compescendo. Dat. *Lateran.* IV. Nonas Ian. Pontificatus nostri anno tertio.

L. Apostolicæ de introductione ordinis in Ecclesiam *Slagen.*

**H**onorius III. Episcopus servus servorum DEI, dilectis filiis G. Lectori & Fratribus Sanctæ *Mariæ* in *Slag.* *Præmonstr.* ordinis, salutem & Apostolicam bene-